

道德真經廣義卷之二十三

道德真經廣義卷之二十四 羊主

唐廣成先生杜光庭述

知其雄章第二十八 疏前章明言以
較人比事明雄為行常德於馬復
機首標知雄等三段明行修則斷
於極次云橫散下兩句示造極則必
有成終云大制一句論聖功之御用
以結成其深旨曰義曰夫前明舉行
善言既為不執故人秋物力以行惡
皆外助之行也此標知雄即白以全
和氣復嬰復橫所以成功即內修之
要也行於外五善之應也如上文修
於內三知之極也如下說修既復橫
可不守橫而不移然後數布萬珠以
彰其功廣大唯聖人能宰制其器無
所動傷也

知其雄守其雌為天下谿

疏知辯識也雄剛躁也雌柔靜也夫物貴
全和法求中道雄則過亢雌則卑弱俱未
適中於善行必當緣篤以為經故知其雄
躁則當守其雌靜守其雌靜亦當知其雄
躁守雌則可知雄則敗敗則妨行持戒守
雌能守雌柔是為謙德物所歸往如水歸
谿矣
義曰夫於內修也辯識剛躁知必敗傷故
以雌柔之道制之矣亢極也篤厚也性剛

躁而雄則多亢極亢極則允過生焉所以
厚其柔靜之心制其雄剛之性乃無亢極
之敗谿者衆流所歸以其謙下故也人謙
下則物歸地謙下則水聚上滑有雌一之
道又有三奔五雌之法皆柔弱其志和靜
其神以致長生也理國以謙靜則萬物從
順如水之赴谿矣

為天下谿常德不離復歸於嬰兒

注雄者患於用壯故知其雄則當守雌謙
德物歸是為天下谿谷則真常之德不離
其身抱道含和復歸於嬰兒之行

知其雌守其雌為天下谿

疏知雄守雌是為善行物所歸往為天下
谿能如此者則真常之德會不離散常德
不散即是全和全和之人少思寡欲泊然
未兆乃如嬰兒故云復歸於嬰兒也

義曰理國在於謙靜理身在於雌柔萬物
順從衆德歸湊則常享其祥克全其身嬰
兒者未分善惡未識是非和氣常全泊然
疑靜以喻有德之君全道之士其德若此
乃合道真理身則神所歸理國則民交會

之也

知其白守其黑為天下式

疏白昭明也黑暗昧也式法也夫能守雌靜則德行昭明德雖昭明不以矜物富如暗昧自守淳和能如此則可以為天下法式矣

義曰為君有獨見之明為道有昭顯之德皆當若昏若昧不銜不矜則氓庶攸歸淳和內足以此為天下法式也史記老君謂孔子曰君子威德容貌若愚是也夫有德不矜有明不銜豈唯內充道行固亦克俱聲光矣

為天下式常德不忒復歸於無極

注能守雌靜常德不離德雖明白當如暗昧如此則為天下法式常德應用曾不差違德用無窮故復歸於無極也忒差也疏忒差忒也極窮極也知白守黑是謂德全德全之人可為天下法式則真常之德隨應而用應無差忒用亦不窮故云復歸於無極

義曰為君為道外晦其明內積其德淳和既著天下化之於國則聖德無窮於身則長生無極

知其榮守其辱為天下谷

疏榮尊榮也辱卑辱也夫為天下法式則其德尊榮德雖尊榮守卑辱以和為量無不包容如彼空谷物來斯應故云天下谷也

義曰人君富有八極君臨九圍是尊榮也自稱孤寡不穀是卑辱也名號所設則古之制也能當理思亂居安懼危戒慎卑躬畫乾夕惕則德廣體弘如虛谷矣為道之人外其德譽自守卑柔如庚桑避嶮嶮之祠莊子歎擁腫之木則其材德不顯心虛德全若空谷矣

為天下谷常德乃足復歸於樸

注德雖尊榮常守卑辱物感斯應如谷報聲虛受不窮常德圓足則復歸於道矣疏樸道也虛受應物如彼谷神真常之德是乃圓足則復歸於樸矣天道為德體

德為道用語其用則云常德乃足語其體

則云復歸於樸歸樸則妙本清淨常德則應用無窮非天下之至通其孰能與於此義曰既富於德則合於道道為德體則德寂無為德為道用則施行有作人君以五

善之化誘民於無為以廣濟之德積功而合道故云復歸於樸夫道無為而無不為也通生萬物應變無方故謂天下之至通也易曰形而上者謂之道推而行之謂之道是也夫聖人之理國至士之修身當知其權強明白尊榮三者非持久之益乃當執雌柔暗昧卑辱三行而制之則前五善外以化人此三行內以修己人化則道彌廣已修則德愈昌道廣德昌理國理身之至要矣

樸散則為器聖人用之則為官長

注含德內融則復歸於樸常德應用則散而為器既涉形器必有精粗故聖人用之則為羣材之官長疏器形器也自知樵下論性修德反則復

歸於道此云樸散為器者明德全合道即能應用應用迹粗涉於形器故云樸散則為器聖人私濟則為羣材之官長矣

義曰形而上者謂之道形而下者謂之器道惟無非是可見可博之質乃是虛寂之

妙本也器涉有乃是可知可釋之用非是質礙之常形也聖人理天下用材用德垂以牧人共振玄風以私道化故云為官長也夫四海之廣兆庶之繁不可下人以為

理故立羣官師長各司其任在昔唐虞建官惟百夏商周漢所立愈多以德居官以材蒞任各當其器而萬方理焉若為道之士則布德施惠救物立功亦猶器用以利於人爾為國則用材化物為道則施功濟人合於道樸之化也尚書曰學古入官左

傳曰能官人則民無觀心是也春秋昭公十七年秋鄭子朝魯對昭子曰黃帝以雲紀官炎帝以火紀官共工以水紀官太皞以龍紀官少昊以鳥紀官以鳳鳥為司曆丹玄鳥為司分伯趙為司至青鳥為司啓丹

鳥為司閉規鳩為司徒睢鳩為司馬尸鳩為司空爽鳩為司寇鶡鳩為司事五鳩以鳩民五雉為五工正九尾為九農正尾止也止民使不淫放也自顛頊以來不能紀遠乃以民師而命民為官設官分職止尚矣蓋以宜道行德以教於人者也官非其人物罹其害豈可輕授哉書曰官不必備惟其人斯之謂也

故大制不割

注聖人用道大制羣生矍然似春蒙澤不謝動植咸遂會不割傷

疏此明聖人用道也夫聖人德全大制羣有法乾坤之施灑雨露之恩各暢其和不知其力今動植之物咸遂其生會不割傷以為已用故云大制不割

義曰聖君臨極宰制萬方德被羣生各遂其性故動物植物有情無情自生自成不宰不割所以玄德之世太上之君不言不化惟清惟靜下知其上有君而不聞其制今之法此所謂大為主宰而無所制割也

修道之士不察察於存視不孜孜於款咽無為無欲自全其和可階於道矣

將欲取天下而為之

注天下者大寶之位也有道者必待曆數在躬若暴亂之人將欲以力取而為之主者老君戒云吾見其不得已

疏天下者大寶之位也夫皇天命帝大制羣生必待曆數在躬然後君臨萬宇而姦亂之賊凶暴之夫將欲力取天下而為之主既誅良之不暇何天祿之可望故老君戒云吾見其斯人必不得所為之事已語助也

義曰普天之下人君統之人君之位皆上

將欲取天下而為之吾見其不得已

天降命曆數所歸應天之心順人之望而後君臨四海子育羣生而為之主也莫不世傳積德身有殊祥履巨跡而誕伏龜威神龍而孕炎帝軒轅乃電光繞斗少昊乃星彩流虹顛頊高辛生寶曆聖唐堯虞舜天表神奇克大運於赤龍舜土德於虹瑞月精命為鷓卵降湯紫氣霑於礪山赤兕照於漢室此並身有殊祥也積玄勲而黃軒受命重前功而顛頊叶符黃帝十七世而祚有殷湯后稷十三世而興西伯此皆積世累功也或生而神聖或誕而能言日角犀文龍顏鵠步重瞳八采反羽奇毫玉斗橫身鱗文編體或全於固圍之內或逃於溝澗之中而復兆應天文德諧人願然後驅雄駕傑拯溺救焚康濟黎元克昌帝業斯可謂生靈後望曆數在躬者也尚書曰天之曆數在爾躬是矣若乃器非神授才乏天資積善不顯於先人鍾異靡聞於奇兆恃水草之力縱豺狼之心假狐媚而竊國權因倖倖而窺神器興問鼎之計運

朕籙之謀王莽董卓則梟戮於前侯景桓玄則敗亡於後流惡名於萬古取大笑於四方欲以力而為之其可得也況劔閣神授力可拔山喑鳴則鬼伏神驚叱咤則堅摧敵潰終乃殲舟莫濟刻頸陰陵不聞聚井之祥徒益五侯之賞苟不及於此者又何矯竊而欲非望哉老君戒曰吾見其不得已大寶之位已具前解

天下神器不可為也為者敗之注大寶之位是天地神明之器故不可以力為也故曰為者敗之此戒姦亂之臣也疏天下大寶之位所以不可力為也者為是天地神明之器將以永終聖德之君而今流布愷悌之化豈使凶暴之夫力為而得毒整天下乎是知必不可為為亦必敗此戒姦亂之賊臣也義曰天神曰神地神曰祇日月之照曰明言天地日月之間森羅萬象必有主宰而司牧之故天地神明以此司牧之大位授於聖德之君而今布和平悅樂之化以養

民也愷樂也愷易也詩大雅洞酌篇召康公戒成王曰愷悌君子民之父母言樂強教於民易以悅安於民民敬愛其君父之尊如母之親故云愷悌之化若凶之夫力取天下必以強兵殘忍誅害於如吳國為封豕長蛇項羽比狼貪羊狠則生民罹其毒矣毒出於口曰螫毒出於尾曰蠚明此凶暴之夫毒螫天下必不得其大寶之位而自致敗亡故云為者敗之矣

執者失之注曆數在躬已得君位而欲執有斯位凌虐神主天道禍淫亦當令失之此戒帝王者之疏人君者或撥亂反正或繼體守文皆將昭德塞違恤隱求瘼若執有斯位凌虐神主坐令國亂無象遂使天道禍淫神怒人怨是生災殄亂離斯作誰奉為君亦當失斯位矣此戒帝王也義曰人君繼體承乾不以其德毒流海內

禍起彙中號令不行戈鋌內向天下既亂
海嶽沸騰其主應運救人撥亂反正如夏
禹殷湯周武漢祖創業之君也天下既定
授於子孫故嗣主繼明守文承統如夏桀
殷紂周赧漢獻為繼體之君也且創業之

君必資聖德塞違補過明德顯仁招懷隱
淪求採瘼病初有大寶罕及敗亡蓋其勵
精求理故也而繼體之君不知稼穡長於
婦人之手生於深宮之中八音五色亂其
心麗服淫聲溺其性或窮兵四境流毒九
州視赤子若仇讎顧生人如草芥動致交
刈不循憲章反道違天凌虐神主神主者
民也於是干戈四起水旱不時神怒眾離
鬼哭人怨遂有南巢放逐牧野梟夷殲身
黔庶之中失政森確之手洪圖一去大業
不歸此明執者失之足為後王之戒昭德
塞違者春秋桓公二年宋華督殺孔嘉父
而弑殤公立公子嚳是為莊公以郟鼎賂
於魯桓公公納之於廟大夫臧哀伯諫曰
君人者將昭德塞違以臨百官猶懼失之

今實其賂器於太廟明示百官百官象之
又何誅焉昔武王克商遷九鼎于維邑義
士猶或非之而况將昭違禮之賂器於太
廟其君之何瘼病也疹妖氣也內起曰音
外起曰災亦天火曰災也

致物或行或隨或响或吹或強或羸或載或
顯

注明為則敗執則失故物或行之於前或
隨之於後或响之使暖或吹之使寒或扶
之則強或抑之即弱有道則載事無德則

策廢

疏此明凡物不常事亦倚伏也响暖氣也
吹寒氣也強壯也羸弱也載事也墮壞也
且夫為之則敗執之則失亦如凡物或行
之於前或隨之於後或响之使暖或吹之
使寒或扶持之使強或抑損之令弱或有
引而載事或推之而墮壞且同糺纏不可
準繩唯當以欲從人方可樂推不厭其
義曰物之倚伏固以不常人事推移安能
長保是以為者敗之執者失之或後者居

前或前者反後或寒者變暖或暖者反寒
或弱者為強或強者為弱或成者致壞或
墮者獲全如糺纏之縈紆無準繩之正定
矣經大索也準的也繩正也無道之君以
人從欲有道之主以欲從人以欲從人者

天下悅樂而推尊之不厭其德也以八從
欲者春秋僖公二十年宋襄公欲合諸侯
臧文仲聞之曰以欲從人則可以人從欲
解濟言屈已之欲從衆之善也明年秋宋
公與楚陳蔡鄭許曹盟于孟諸侯執宋公
以伐宋言宋公無德爭盟衆共執之如文
仲之言也文仲魯大夫也
是以聖人去甚去奢去泰
注聖人觀或物之行隨知執者之必失故
去其過分耳

疏是以理天下之聖人觀行隨之不常知
矜執之必失故約已檢身割貪制欲去造
作之甚者去服說之奢者論名數且分為
三目微其實乃同於一條其奢泰者皆謂
之過分耳

義曰聖人之於天下也觀倚伏之勢見推
移之機於施為之中不使過分知甚者必
極濟者必貪泰者必盛極則必反貪則必
怨威則必衰有一於此必為亡敗故皆去
之為道之士明執失之理知奢泰之非謙
抑自居沖虛內保則可以參真矣

道德真經廣聖義卷之二十四

道德真經廣聖義卷之二十五

唐廣成先生杜光胤述

景二

以道佐人主章第三十
去其甚者泰此章明夫強好還下可
輔佐師之所處下明好兵必致不祥
故言者下示不得已而用果物壯下
助特強而必敗○義曰前明人主理
國者泰而為若此或人臣事君用
文德而兵強好還不可也辭伐為事
也言章直其人臣改言用兵非善切
義言威是有由年然從果於勿強強
道宜道止之也

以道佐人主者不以兵強天下其事好還

注人臣能以道輔佐人主者當柔服以德
不用兵甲之威取強於天下何則兵者凶
器戰者危事抗兵加彼彼必應之其事既
好還報則勝負之事未可量矣
疏以用也佐輔也還報也言為人臣者當
用道化無為輔佐人主致君堯舜是曰股
肱舞干羽於兩階修文德於四海令執大
象而天下往太階平而東海濱看雲耀冕
甲之威窮濟侵伐之事抗兵以加彼彼必
應之其事能還報則勝負之事誰能預知

也哉

義曰夫臣之事主以道為先所宜清靜匡
君勿以兵謀輔國化既清靜君遂無為平
泰可圖堯舜何遠致君者言臣以道德助
化則君德自齊於堯舜也股者足也肱者
手也君為元首臣為股肱猶一身耳君臣
之道其可忽乎書云元首明哉股肱良哉
是也舞干羽者尚書大禹謨曰舜以禹之
功命之嗣位時有苗之民難于王誅命禹
沮征之於是會諸侯之師誓衆而往率辭
伐罪三旬苗民逆命誦謂禹曰惟德動天
無遠不届至誠感神况於有苗乎禹班師
振旅誅數文德舞干羽于兩階七旬而有
苗格有苗在洞庭有彭蠡在萊服之例去
京師二千五百里征之不服不征自來言
以文德道化撫之也干楯也羽翳也樂者
所執之物既還師振旅不用干戈乃修文
德以文舞舞於賓主兩階之間以抑武事
而苗人來格格至也禮曰舞者所以飾喜
也執其干戚習其俯仰屈伸容貌待莊焉